




UNIVERSITETI • UNIVERSITY
"KADRI ZEKA"



SH.K.SH.
"Dom Mikel Tarabulluzi"
Stubëll

MARËVESHJE BASHKËPUNIMI

E lidhur më: 08/09/2017 ndërmjet:

- Universiteti "Kadri Zeka" Gjiilan, të cilën e përfaqëson Prof. Asoc. Dr. Bajram Kosumi, Rektor, tani e tutje si UKZ

dhe

- Shoqata Kulturore Shkencore "Dom Mikel Tarabulluzi" nga Stublla, të cilin e përfaqëson Dom Jeton Thaqi, Kryetar, tani e tutje si SHKSH "Dom Mikel Tarabulluzi"

Qëllimi i kësaj marrëveshje është bashkëpunimi profesional dhe organizativ për organizimin e manifestimit tradicional kulturor, letrar e shkencor "Takimet e Dom Mikelit", që do mbahet më 23 shtator 2017, në fshatin, Stubëll, Komuna e Vitisë.

Ky organizim do të jetë i përbashkët, në mes Shoqatës Kulturore Shkencore "Dom Mikel Tarabulluzi" nga Stublla dhe Universitetit "Kadri Zeka" Gjiilan dhe do të bëhet në shenjë të 135 vjetorit të lindjes dhe 52 vjetorit të vdekjes së Fan Nolit, e ku tema bosht në akademinë shkencore të manifestimit do jetë: ***"Pesë anarkitë e Nolit në kontekstin e sotëm të shoqërisë sonë"***.

Poashtu ky bashkëpunim do të shtrihet edhe në fusha të tjera me interes për të dy palët, si: organizimi i tryezave të përbashkëta debatuese, organizimi i konferencave të përbashkëta, si dhe bashkëpunime të tjera të cilat mund të ndërliohen me tema që kanë të bëjnë me edukimin, kulturën, shoqërinë, etj.

Me vullnet të mirë palët u pajtuan si në vijim:

Fushëveprimi i bashkëpunimit:

I. Organizimet e përbashkëta

- a) Organizimin e përbashkët të manifestimit tradicional kulturor, letrar e shkencor “Takimet e Dom Mikelit”
- b) Universiteti “Kadri Zeka” do të ofrojë resurset e veta akademike dhe profesionale, për organizimin e këtij manifestimi, si dhe në bashkëpunime të tjera në të ardhmen.

II. Bashkëpunimi në fusha të tjera

- a) UKZ, përveç bashkëpunimi të lartëcekur do të shtrijë bashkëpunimin edhe në fusha të tjera me interes për të dy palët.
- b) Ky bashkëpunim do të shtrihet edhe në organizimin e tryezave të rrumbullakta, debateve, konferencave me interes shoqëror, si dhe shumë bashkëpunime dhe organizime që mund të dalin në të ardhmen, e që mund të shihen me interes për të dy palët.

III. Zbatimi

- a) Të promovojnë bashkëpunimin akademik, profesional dhe kulturor ndërmjet dy institucioneve për zbatimin e këtij Bashkëpunimi;
- b) Të përcaktojnë dy persona kontaktues për aktivitetet individuale dhe grupore dhe të planifikojnë koordinimin e të gjitha aktiviteteve brenda institucioneve të tyre; dhe
- c) Të takohen në bazë periodike për të rishikuar dhe vlerësuar aktivitetet e kaluara dhe ato që mund të shihen me interes për tu organizuar në të ardhmen.

IV. Ndryshimi dhe plotësimi i bashkëpunimit

Kjo Marrëveshje Bashkëpunimi është dokument bazë për ndryshimet dhe plotësimet e tij, si dhe për marrëveshjet tjera të veçanta të arritura ndërmjet palëve. Ndryshimet dhe plotësimet e mëvonshme si dhe marrëveshjet e veçanta bëhen në mënyrën si:

- a) Ndryshimet ose plotësimet e marrëveshjes do të jenë efektive pas pajtueshmërisë së palëve dhe nënshkrimit të tyre.
- b) Marrëveshjet e më tutjeshme lidhur me ndonjë organizim të veçantë, me të drejta dhe detyrime reciproke ndërmjet palëve, nuk do të jenë efektive përderisa nuk përpilohen dhe nënshkruhen nga përfaqësuesit e autorizuar të të dyja palëve.

V. Kohëzgjatja dhe efektet juridike

Kjo Marrëveshje lidhet me kohë të caktuar. Kohëzgjatja e zbatimit të bashkëpunimit do të përcaktohet në bazë të fondeve në dispozicion për të dy institucionet si dhe në bazë të asistencës financiare që mund të realizohet nga burimet e jashtme.

Përfundimi i kësaj marrëveshje mund të bëhet me marrëveshje ndërmjet palëve.

Kjo Marrëveshje mund të përfundoj njëanshëm nga njëra palë me paralajmërim prej së paku tre muajsh.

Marrëveshjet gojore për çështje të caktuara, gjithashtu nuk gjejnë mbështetje në këtë Marrëveshje dhe ato nuk do të merren parasysh.

VI. Ligji i aplikueshëm

Palët respektojnë dhe zbatojnë ligjet në fuqi të Republikës së Kosovës, rregullat dhe kërkesat tjera të aplikueshme të autoriteteve përkatëse shtetërore.

VII. Mospajtimet

Të gjitha mospajtimet ndërmjet palëve zgjidhen me mirëkuptim ndërmjet tyre.

VIII. Hyrja në fuqi

Palët do të fillojnë zbatimin e këtij bashkëpunimi menjëherë pas nënshkrimit të kësaj Marrëveshje.

Bashkëpunimi nënshkruhet në dy kopje, për secilën palë nga një.

Kjo Marrëveshje Bashkëpunimi u nënshkrua sot, më datë: 08/09/2017

Universiteti "Kadri Zeka" Gjilan

Prof. Asoc. Dr. Bajram Kosumi, Rektor

Shoqata Kulturore Shkencore
"Dom Mikel Tarabulluzi"

Dom Jeton Thaqi, Kryetar

